




16-10-2023

8/12

Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Broj: 14-02-04-05311/23
Datum: 12. 10. 2023. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
MINISTARSTVO KOMUNALNE PRIVREDE, INFRASTRUKTURE,
PROSTORNOG UREĐENJA, GRAĐENJA I ZAŠTITE OKOLIŠA
UL. Reisa Dž.Čauševića br. 1
71000 SARAJEVO



PREDMET: Informacija, dostavlja se;

VEZA: Vaš akt, broj: 05-04-24618-291/23 od 19.09.2023. godine

Poštovani,

U skladu sa vašim aktom, broj i datum veze, zaprimljenim u Kantonalnoj upravi za inspekcijske poslove Kantona Sarajevo, dana 03.10.2023. godine, a koji se tiče zastupničkog pitanja zastupnice Sanele Klarić, upućenog vašem ministarstvu u okviru Osme radne sjednice Skupštine Kantona Sarajevo, a koje glasi:

- "- Da li je ministarstvo upoznato sa zagađenjem vode na području općine Hadžići?
- Da li zagađenje vode na području općine Hadžići vezano za nelegalnu sječu šume na istom lokalitetu?
- Da li je ministarstvo svjesno štete koju zagađena voda stvara po instalacije i zdravlje građana općine Hadžići?
- Da li je ministarstvo radilo bilo kakva istraživanja po pitanju zagađene vode na području općine Hadžići?
- Da li postoji plan za sanaciju zagađene vode? Ukoliko da, molim Vas da mi ga dostavite."

obavještavamo vas da je Kantonalnoj upravi za inspekcijske poslove Kantona Sarajevo na istoj, Osmoj radnoj sjednici, upućeno zastupničko pitanje imenovane zastupnice na slične okolnosti, inputirajući nadležnost ove Uprave, te je Skupštini Kantona Sarajevo dostavljen odgovor dana, 19.07.2023. godine.

Unatoč prethodno navedenom, a u skladu sa nadležnostima koje imaju kantonalni inspektori, odnosno sanitarna inspekcija Inspektorata sanitarne, zdravstvene i farmaceutske inspekcije i inspekcije za hranu Kantonalne uprave za inspekcijske poslove Kantona Sarajevo u smislu kontrole zdravstvene ispravnosti vode za piće, dajemo slijedeću informaciju:

Sanitarna inspekcija Kantonalne uprave za inspeksijske poslove Kantona Sarajevo, kao prvostepeni organ vrši nadzor nad provođenjem Zakona o zaštiti stanovništva od zaraznih bolesti ("Sl. novine FBiH", broj 29/05) koji članom 10. propisuje opće mjere za sprečavanje i suzbijanje zaraznih bolesti nad zdravstvenom ispravnošću vode, s tim što se Pravilnikom o zdravstvenoj ispravnošću vode za piće precizira da se isti ne odnosi na izvorišta koja snabdijevaju manje od 50 potrošača.

Konkretno za područje općine Hadžići ističemo slijedeće:

JKP KOMUNALAC d.o.o. Hadžići, kao javno komunalno preduzeće koje se bavi poslovima javnog vodosnabdijevanja stanovništva općine Hadžići vodom upravlja sa 17 lokalnih vodovoda (vodnih objekata) na području općine. Dinamika analiza zdravstvene ispravnošću vode za piće se vrši shodno Pravilniku o zdravstvenoj ispravnošću vode za piće, a češće od strane JU Zavod za javno zdravstvo Kantona Sarajevo. Izvještaji mikrobiološkog ispitivanja vode kako sirove tako i vode iz distributivne mreže se kontinuirano dostavljaju Sanitarnoj inspekciji. Kod potvrđenog slučaja zdravstvene neispravnošću vode za piće poduzima se hitna upravna mjera i nalažu korektivne radnje upravniku vodnog objekta. Iste se sastoje od nalaganja sljedećeg:

- Obustaviti odmah opskrbu higijenski neispravnom vodom za piće iz lokalnog vodovoda - Obavijestiti korisnike vode na najpogodniji način (oglasne table) da voda nije za piće, niti za ličnu higijenu i higijenu posuđa u kome se hrana priprema i distribuira .
- Obezbijediti stanovnišću, vodu za piće putem alternativnih izvora sa zdravstveno ispravnom vodom za piće (cisterne, flaširana voda), a potvrdu o isporuci vode dostaviti u prostorije sanitarne inspekcije ili faxom 033770151.
- Izvršiti mehaničko čišćenje, dezinfekciju i hiperhlorinaciju kaptaze, rezervoara i distributivne mreže od ovlaštene ustanove.
- Dostaviti izvještaj o hiperhlorinaciji u prostorije inspekcije ili putem fax-a.
- Nakon provedenih naprijed navedenih mjera, izvršiti ponovnu kontrolu vode na zdravstvenu ispravnost i o rezultatima analize odmah obavijestiti sanitarnu inspekciju.
- Osigurati svakodnevnu provjeru koncentracije rezidualnog hlora u vodi za piće, uspostaviti evidencije uz redovnu provjeru i poduzete korektivne mjere.
- Po otklanjanju svih nedostataka pismeno obavijestiti sanitarnu inspekciju.

Žalba ne odlaže izvršenje rješenja, a rok za izvršenje naređenih mjera je najkraći (do dva dana od prijema rješenja). Sanitarni inspektor po službenoj dužnosti prati izvršenje rješenja.

Uvidom u elektronsku bazu podataka koju vodi Kantonalna uprava za inspeksijske poslove Kantona Sarajevo u 2023. godini zaprimljena su tri (3) nalaza o zdravstveno neispravnoj vodi za piće kojom upravlja JKP KOMUNALAC d.o.o. Hadžići sa izdatim istim tolikim brojem rješenja o otklanjanju nedostatka. Sva rješenja su izvršena na način i u roku kako je inspektor i naložio te je ponovno uspostavljena zdravstveno ispravna voda.

U odnosu na nadležnosti Inspektorata komunalne inspekcije, zaštite prirode, zaštite dobara baštine i inspekcije za sport, informišemo vas da je u skladu sa članom 7. Zakona o komunalnim djelatnostima ("Sl. novine Kantona Sarajevo", br. 14/16, 43/16, 10/17 – ispravka, 19/17, 20/18 i

Akt sačinila: Selma Suljević

22/19) propisano da općine koje nisu u sastavu Grada, u okviru svog samoupravnog djelokruga, obezbjeđuju obavljanje komunalnih djelatnosti lokalnog značaja.

S poštovanjem,

V.D. DIREKTOR



Adis Mešić

Dostavljeno:

1. Naslovu
2. a/a

Akt sačinila: Selma Suljević

Adresa: Aleja Bosne Srebrene bb, 71 000 Sarajevo
Tel: + 387 (0) 33 770-100, Fax: + 387 (0) 33 770-151
Web: <http://kuip.ks.gov.ba>, Mail: kuip@kuip.ks.gov.ba

3/3

